

PRIJEDLOZENI: 12. 02. 2019			
Org. broj	Urađ.	Dokaz	Vježdarev
01-05-23-212/19	12	/19	28

GRADSKI VIJEĆNIK  
DR. IGOR GAVRIĆ

**GRAD SARAJEVO  
GRADSKO VIJEĆE  
N/P Predsjedavajući Gradskog vijeća**

**Predmet: Amandman na Prijedlog Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo**

U skladu s članom 124. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), podnosim

**Amandman  
na Prijedlog Odluke o utvrđivanju i načinu sufinansiranja  
sportskih manifestacija od posebnog interesa za Grad Sarajevo**

U članu 2. Prijedloga **Odluke o utvrđivanju i načinu sufinansiranja sportskih manifestacija od posebnog interesa za Grad Sarajevo**, dodaje se nova alineja  
- Međunarodna gradska atletska trka „Vivicitta“.

**Obrazloženje:**

Amandman se predlaže u roku, po proceduri i u formi u svemu u skladu s članom 124. Poslovnika Gradskog vijeća.

Podnesenim Amandmanom predlaže se da se u sportske manifestacije od posebnog interesa za Grad Sarajevo uvrsti i manifestacija „Vivicitta“, međunarodna gradska atletska trka organizovana od strane UISP (Unione Italiana Sport Per tutti) iz Bolonje, Italija, te u skladu s tim sufinansira iz sredstava Budžeta Grada Sarajevo, a u skladu sa kriterijima utvrđenim ovom Odlukom.

„Vivicitta“ je međunarodna gradska atletska trka organizovana od strane UISP ( Unione Italiana Sport Per tutti ) iz Bolonje, Italija. Tokom održavanja ove trke svake godine više od 70.000 građana trče istovremeno u različitim gradovima širom svijeta. Takmičarska trka iznosi 12 lcrn, rekreativna trka 4 lcm. Trka se odvija u mjesecu aprilu ili krajem marta, prema zahtjevu generalnog organizatora, u sklopu ostalih kulturnih i sportskih manifestacija posvećenih oslobođenju našeg grada. Prvi put u Sarajevu trka je održana ratne 1995. godine u razrušenoj Skenderiji i od tada trka se održava svake godine do danas i dala je veliki doprinos afirmaciji Grada Sarajeva i nezavisne i suverene države Bosne i Hercegovine u tim teškim

ratnim danima. Od vrlo važnog značaja za ovaj projekat je i sama činjenica da se projekat realizuje na području dvije sarajevske općine (Centar i Stari Grad), te samim tim navedene općine, a posebno Grad Sarajevo dobivaju adekvatnu promociju putem štampanih i elektronskih medija.

Obzirom da „Vivicitta“ ima svoj zadati koeficijent težine i prema propisima generalnog organizatora (UISP) neophodno je da ovo bude gradska trka i na svojoj stazi obuhvata sve najpoznatije kulturno-istorijske objekte grada, Sarajevo kao glavni grad naše države i olimpijski grad na najljepši način se predstavlja građanima Evrope ovom manifestacijom. Na ovaj način se može povećati turističko-sportska ponuda Grada Sarajeva i promocija stare gradske arhitekture trčanjem kroz centralne gradske ulice.

Cilj Vivicitte je doprinijeti razvoju i promociji atletskog sporta, kao jednog od tri bazična sporta u Gradu Sarajevo i KS, podići svijest kod građana i animirati ih da se što više bave sportskim aktivnostima, kao i prezentacija atletike i našeg grada u zemljama regiona, obzirom da na Sarajevsku trku dolaze atletičari iz cijelog regiona.

Projekat je namijenjen prvenstveno svim učenicima osnovnih i srednjih škola KS, a učešće u trci svake godine uzimaju i već afirmisani atletičari iz zemalja regiona. Svake godine na sarajevskoj Viviciti učestvuje oko 500 takmičara.

Okvirni Budžet za organizaciju Vivicitte iznosi cca 8.500 KM. Od strane generalnog organizatora trke (UISP) odobrenje za organizaciju trke u Bosni i Hercegovini ima Sportski Savez Kantona Sarajevo i svake godine je uspješno i realizuje. Jedan mali dio sredstava (oprema-sportske majice) obezbjeđuje generalni organizator, u realizaciji ove trke finansijski participira Ministarstvo kulture i sporta Kantona Sarajevo, a dio nedostatnih sredstava Sportski Savez Kantona Sarajevo nastoji obezbjediti vlastitim sredstvima i od donatora.

Imajući u vidu značaj održavanja ove trke mišljenja smo da bi za Grad Sarajevo kao i za kvalitetan i stabilan nastavak realizacije ove manifestacije bilo bi dobro da se Međunarodna gradska atletska trka Vivicita uvrsti u Odluku o utvrđivanju i načinu sufinansiranja sportskih manifestacija od posebnog interesa za Grad Sarajevo.

*GRADSKI VIJEĆNIK*

*Dr. Igor Gavrić*

